

## Tusarniaavigineqartunut

Færdselsstyrelsen  
Sorsigvej 35  
6760 Ribe

Telefon: 7221 8899  
E-mail: info@fstyr.dk  
Web: www.fstyr.dk

Sagsnr.: 2024-632517  
04-06-2024

## Kalaallit Nunaannut bil-ersinnaanermut allagartaq (kørekort-i) pillugu nalunaarummut missingiut pillugu tusarniaaneq

Kalaallit Nunaannut bil-ersinnaanermut allagartaq (kørekort-i) pillugu nalunaarummut missingiut matumuuna tusarniaassutitut Færdselsstyrelsen-imit nassiunneqarpoq.

Tusarniaanermut piffissaliussaq, ullormi 2. juli 2024-imi killeqarpoq.

Ilaatigut atuagarsornermut misilitsinneq, allattariarsornermik misilitsinnerup ingerlanneqartalersinnaanera aammalu ilinniartut misilitsittut arlallit ataatsikkoortillugit ingerlanneqartarsinnaanera pillugit maleruagassat aalajangersassallugit, nalunaarummut missingiummik siunertaavoq.

Aammattaaq, qallunaat bil-ersinnaanermut allagartaat (kørekort-ii) Kalaallit Nunaanni akuerisaanissaat pillugit maleruagassat, nalunaarummut missingiummik atuutilersinneqarput.

### Nalunaarutip imarisaanik itisilerineq

#### 1. Allattariarsorluni atuagarsuutininik misilitsinerit

Atuagarsornermut misilitsineq allattariarsorluni misilitsinnertut ingerlanneqarsinnaasoq, aammalu ilinniartunit ataatsikkut arlalinnit peqataaffigineqartumik ingerlanneqarsinnaasoq, nalunaarummut missingiummi aalajangersarneqarpoq. Misilitsinnerit oqaluttariarsornertut aamma kisimiilluni misilitsinnertut ingerlanneqartarnissaat, maannamut maleruagassani aalajangersagaavoq, tamannalu politiini isumalluutininik annertuumik atuinernik kinguneqartarluni.

Taamatuttaaqq allattariarsorluni misilitsinnermik atuutilersitsineq, ilinniartunik assigiiarnerusumik naliliinermik nassataqassaaq.

#### 2. Kalaallit Nunaanni qallunaat bil-ersinnaanermut allagartaannik (kørekort-iinik) akuersineq

Qallunaat bil-ersinnaanermut allagartaasa (kørekort-iisa) Kalaallit Nunaanni akuerineqarnissaannut piumasaqaammik nalunaarummut missingiummi aalajangersaasoqarpoq.

Siunissami, Kalaallit Nunaanni najugaqaleraangami, qallunaat bil-ersinnaanermut allagartaannik (kørekort-ianik) pigisaqartumut, Kalaallit Nunaanni bil-ersinnaanermut allagartartaarnissaq

pillugu piumasaqaateqartassanngitsoq tamatuma kingunerissavaa.

### 3. Annikinnerusunik allannguutit

Taaguut "Politimester-i", "Kalaallit Nunaata Politiivi"- nut allanngortinneqarpoq, soorlutaaq "Peqqinnissamut aamma Avatangiisinut Pisortaqaarfik", "Peqqinnissamut Naalakkersuisoqaarfik"-mut allanngortinneqarluni. Aammattaaq, aaqqissuisoqarnikkut iluarsiiisutininik annikinnerusunik nalunaarummut missingiummi suliaqartoqarpoq.

### **Inuussutissarsiornermut aammalu innuttaasunut, aningaasaqarnikkut allaffissornikkullu kingunerisassai**

Nalunaarut Kalaallit Nunaanni aamma Danmark-imi inuussutissarsiornermut aammalu innuttaasunut, aningaasaqarnikkut kinguneqassanngitsoq, nalilerneqarpoq. Atuagarsornernut misilitsinnissamut utaqqisarnissaq annikinnerulissamat, allannguutit Kalaallit Nunaanni innuttaasunut ajunngitsumik sunniuteqassasut nalilerneqarpoq.

### **Allat**

Ulloq 1. august 2024 nalunaarut atuutilersinneqassasooq, siunnersuutigineqarpoq.

Oqaaseqaataasinnaasut, j. nr. (allakkiap normua) 2024-632517 ilanngullugu allallugu, kingusinnerpaamik [ulloq 2. juli 2024](#), [ankg@fstyr.dk](mailto:ankg@fstyr.dk) cc.-eerlugu (ilanngullugu nassitsivigalugu), styrelsen-ip (Aqutsisoqarfiup) hovedmailadresse-anut (pingaarnertut allaffigineqartarfianut) [info@fstyr.dk-mut](mailto:info@fstyr.dk-mut) nassiuuneqassasut, Færdselsstyrelsen-imit (Angallannermut Aqutsisoqarfimmit) qinnutigineqarpoq.

Missingiummut apeqqutaasinnaasut, Anna Kyhl Gøtske-mut mail-imut [ankg@fstyr.dk](mailto:ankg@fstyr.dk)-mut imaluunniit [info@fstyr.dk](mailto:info@fstyr.dk)-mut anngunneqarsinnaapput.

Tusarniaaffigineqartut allattorsimaffiat kakkiunneqarpoq.

Ministereqarfinningaaneersuunngitsut tusarniaanermut akissutit, tusarniaanerup kingorna 'Tusarniaanermut Nittartartakkami' tamanut saqqummiunneqarumaarput. Tusarniaanermut akissuteqarnermi, pineqartup tusarniaanermut akissutaa aamma attavigineqarnissamut paasissutissat ilanngullugit nassiuuneqartut, tusarniaanerup kingorna tamanut saqqummiunneqarnissaat isumaqataaffigineqartarpoq.

Nalunaarummut missingiummut tunngassutillit taamaallaat, tusarniaanermut akissutit suliarissallugit Færdselsstyrelsen-i imminut pisinnaatippoq.

Færdselsstyrelsen-ip nutaarsiassaqaartitsivia, maleruagassat atuutilersinneqartut pillugit paasissutissanik imaqarpoq. Nutaarsiassaqaartitsivimmuut ilanngunnissaq, Færdselsstyrelsen-ip nittartagaani pisinnaavoq.

Inussiarnersumik inuulluaqqusillunga

Anna Kyhl Gøtske